

**Uunga siunnersuut: Imigassaq pillugu Inatsisartut inatsisaata allanngortinneqarneranik  
Inatsisartut inatsisaat nr. xx, xx. xxx 2019-imeersoq**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

**Akissuteqaat**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

**Pingajussaaneerinninneq**

Inuussutissarsiornermut Aatsitassanullu Ataatsimiititaliap siunnersuummik matumani pineqartumik peqqissaartumik suliaqarneranut Naalakkersuisut qujaqqipput aammalu Naalakkersuisut allannguutissatut siunnersuutaata taama isikkoqarluni akuerineqarnissaa ataatsimiititaliamit inassutigineqarmat qujassutigalugu.

Inuussutissarsiornermut Aatsitassanullu Ataatsimiititaliap Inatsisartut ataatsimiinneranni matumani oqaluuserisassat UPA2019/209 aamma UPA2019/57 isumaliutissiisummi ataatsimoortillugit suliarai. Ataatsimiititaliaq isumaqatigiittoq piffissat sassaalliisarfiit sivitsorneqarnissaat pillugu Inatsisartut aalajangiiffigissaannut UPA2019/57-imut allannguutissatut siunnersuuteqarpoq. Inatsisartut aalajangiiffigisassaattut siunnersuummut allannguutissatut siunnersuummi ulluni aalajangersimasuni piffissat sassaalliisarfiit nal. 05.00-ip tungaanut pinnani nal. 04.00-ip tungaanut sivitsorneqarput.

Tamatuma inernerisaanik aalajangiiffigisassap (UPA2019/57) imarisai ilanngunniarlugit oqaluuserisassani imm. UPA2019/209-p pingajussaaneerineqarnissaanut allannguutissatut siunnersuummik Naalakkersuisut suliaqarput.

Taama oqaaseqarlunga Naalakkersuisut allannguutissatut siunnersuutaat saqqummiunneqartoq ilanngullugu siunnersuut saqqummiunneqartoq taama iluseqartillugu pingajussaaneerineqassasoq inassutigineqarpoq.